



**ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ**  
**հանրակրթության ոլորտում իրականացվող**  
**կրթական բնույթի առարկայական մրցույթների, մրցաշարերի**  
**և օլիմպիադաների անցկացման**

բ. Ստեփանակերտ

«15» դեկտեմբերի, 2015 թ.

Սույն հուշագիրը (այսուհետ՝ Հուշագիր) կնքվում է ԼՂՀ կրթության, գիտության և սպորտի նախարարության (այսուհետ՝ Նախարարություն) և հանրակրթության ոլորտում իրականացվող «Կենզուրու», «Ռուսական արջուկ», «Մեղու» առարկայական մրցույթների և Պատանի քիմիկոսների համահայկական մրցաշարի (այսուհետ՝ Մրցույթներ) պաշտոնական կազմակերպիչ «ԼԿԲ» կրթական հիմնադրամի (այսուհետ՝ «ԼԿԲ») միջև (յուրաքանչյուրն այսուհետ՝ Նաև Կողմ, իսկ երկուսը միասին՝ Կողմեր):

**Կարևորելով** Լեռնային Ղարաբաղի Հանրապետության ամբողջ տարածքում առարկայական մրցույթների և օլիմպիադաների անցկացումը,

**խթանելով** աշակերտների շրջանում սովորելու հանդեպ հետաքրքրության բարձրացումը,

**գիտակցելով**, որ կրթական ոլորտում համագործակցությունը միանշանակ փոխշահավետ է և ազգօգուտ,

**Նպատակ ունենալով** բարձրացնել ԼՂՀ կրթական մակարդակը և աշակերտների պատրաստվածությունը՝

Կողմերը համաձայնության եկան ներքորբերյալի վերաբերյալ:

**1. Կողմերը պարտավորվում են՝**

- 1.1. համագործակցել ԼՂՀ-ում Մրցույթների անցկացման գործում,
- 1.2. առավելագույնս օժանդակել և աջակցել Մրցույթների կայացմանն ու անցկացմանը,
- 1.3. հանրության համար ապահովել Մրցույթների մատչելիությունն ու թափանցիկությունը:

**2. Նախարարության պարտավորությունն է՝**

- 2.1. տեղեկատվական աջակցության ցուցաբերումը և արդյունքների հրապարակմանն ու մրցանակաբաշխություններին մասնակցությունը: